

卷一 西域三十四國

阿耨尼王迦畢試

卷二 溫波 那揭羅曷 健馱羅

卷三 烏仗那 鉢密羅 坦叉始羅

僧訶補羅 烏刺尸 迦溫彌羅

半笈蹉 曷羅闍補羅

地 930  
432  
部 三 14

大唐西域記

卷一  
之三

第一冊

大唐西域記卷第一

三藏法師玄奘奉詔譯

大總持寺沙門辯機撰

三十四國

阿耆尼國

屈支國

跋祿迦國

斂反奴故赤建國

赭時國

怖反敷廢捍國

率蘇沒反堵利瑟那國

颯秣建國

弭秣賀國

劫布坦那國

屈霜去聲你迦國

喝捍國

支那撰述大唐西域記卷一

捕喝國

伐地國

貨利習彌伽國

羯霜去聲那國

坦蜜國

赤鄂衍那國

忽露摩國

愉色俱切漫國

鞠和衍那國

鑊沙國

珂咄羅國

拘謎莫閉切陀國

縛伽浪國

紇露悉泯健國

忽懷國

縛喝國

銳秣陀國

胡寔健國

坦刺健國

揭職國

梵衍那國

迦畢試國

歷選皇猷遐觀帝錄庖羲出震之初軒轅垂衣之始所以司牧黎元所以疆畫分野暨乎唐堯之受天運光格四表虞舜之納地圖德流九土自茲已降空傳書事之冊逃聽前修徒聞記言之史豈若時逢有道運屬無為者歟我大唐御極則天乘時握紀一六合而光宅四三皇而照臨玄化滂流祥風遐扇同乾坤之覆載齊風雨之鼓潤與夫東夷入貢西戎即敘創業垂統撥亂反正固以跨越前王囊括先代同文共軌至治神功非載紀無以贊大猷非昭宣何以光盛

支那

撰述 大唐西域記卷一

一一

且一

業玄奘輒隨遊至舉其風土雖未考方辨俗信已越五踰三含生之儔咸被凱澤能言之類莫不稱功越自天府暨諸天竺幽荒異俗絕域殊邦咸承正朔俱霑聲教贊武功之績諷成口實美文德之盛鬱為稱首詳觀載籍所未嘗聞緬惟圖謀誠無與二不有所敘何記化洽今據聞見於是載述然則索訶世界舊日娑婆世界又曰娑訶世界皆訛三千大千國土為一佛之化攝也今一日月所照臨四天下者據三千大千世界之中諸佛世尊皆此垂化現生現滅導聖導凡蘇迷廬山唐言妙高山舊曰須彌又曰須彌婁皆譌略四寶合成在大海中據金輪上

絕壤殊風土著之宜人備之序正朔所暨聲教所單  
著大唐西域記勒成一十二卷編錄典奧綜覈明審  
立言不朽其在茲焉

支那  
撰述

大唐西域記卷一

三

目一

大唐西域記敘

尚書左僕射燕國公張說 製

若夫玉毫流照甘露灑於大千金鏡揚揮薰風被於有截故知示現三界粵稱天下之尊光宅四表式標域中之大是以慧日淪影像化之跡東歸帝猷宏闡大章之步西極有慈恩道場三藏法師諱玄奘俗姓陳氏其先潁川人也帝軒提象控華渚而開源大舜賓門基歷山而聳構三恪照於姬載六奇光於漢祀書奏而承朗月遊道而聚德星縱壑駢鱗培風齊翼世濟之美鬱爲景冑法師籍慶誕生含和降德結根

支那  
撰述

大唐西域記卷一

一

且一

深而菟茂道源浚而靈長奇開之歲霞軒月舉聚沙之年蘭薰桂馥洎乎成立藝殫墳索九臯載響五府交辟以夫早悟真假夙照慈慧鏡真筌而延佇願生涯而永息而朱紱紫纓誠有界之徽網寶車丹枕實出世之津途由是擯落塵滓言歸閑曠令兄長捷法師釋門之棟榦者也擅龍象於身世挺鷺鷥於當年朝野挹其風猷中外羨其聲彩旣而情深友愛道睦天倫法師服勤請益分陰靡棄業光上首擢秀檀林德契中庸騰芬蘭室抗策平道包九部而吞夢鼓榭玄津俯四韋而小魯自茲徧遊談肆載移涼燠功旣

成矣能亦畢矣至於泰初日月燭曜靈臺子雲肇悅  
發揮神府於是金文暫啓佇秋駕而雲趨玉柄纒撫  
披霧市而波屬若會斲輪之旨猶知拜瑟之微以瀉  
瓶之多聞泛虛舟而獨遠迺於輾轅之地先摧鑠腹  
之誇并絡之鄉遽表浮栝之異遠邇宗挹爲之語曰  
昔聞荀氏八龍今見陳門雙驥汝穎多奇士誠哉此  
言法師自幼迄長遊心玄理名流先達部執交馳趨  
末忘本撫華捐實遂有南北異學是非紛糾永言於  
此良用憮然或恐傳譯躋駁未能筌究欲窮香象之  
文將罄龍宮之目以絕倫之德屬會昌之期杖錫拂

支那  
撰述

大唐西域記卷一

一一

旦一

衣第如遐境於是背玄灞而延望指葱山而矯迹川  
陸綿長備嘗艱險陋博望之非遠嗤法顯之爲局遊  
踐之處畢究方言鑄求幽蹟妙窮津會於是詞發雌  
黃飛英天竺文傳貝葉聿歸振旦 太宗文皇帝金  
輪纂御寶位居尊載佇風徽召見青蒲之上迺睠通  
識前膝黃屋之間 手詔綢繆中使繼路俯摛睿思  
乃製三藏聖教序凡七百八十言今上昔在春闈裁  
述聖記凡五百七十九言啓玄妙之津書揄揚之旨  
蓋非道映雞林譽光鷲嶽豈能緬降神藻以旌時秀  
奉 詔翻譯梵本凡六百五十七部具覽遐方異俗

日月之所回薄諸天之所遊舍七山七海環峙環列  
山間海水具八功德七金山外乃鹹海也海中可居

者大略有四洲焉東毘提訶洲舊曰弗婆提又南瞻

部洲舊曰閻浮提洲又西瞿陀尼洲舊曰瞿邪尼又

北拘盧洲舊曰鬱單越金輪王乃化被四天下銀輪

王則政隔北拘盧銅輪王除北拘盧及西瞿陀尼鐵

輪王則惟瞻部洲夫輪王者將即大位隨福所感有

大輪寶浮空來應感有金銀銅鐵之異境乃四三二

一之差因其先端即以為號則瞻部洲之中地者阿

那婆答多池也唐言無熱惱舊在香山之南大雪山

支那撰述 大唐西域記卷一 三 且一

之北周八百餘里金銀瑠璃頗胝飾其岸焉金沙彌

漫清波皎鏡大地菩薩以願力故化為龍王於中潛

宅出清冷水給瞻部洲是以池東面銀牛口流出苑

巨升伽河舊曰恆河又繞池一帀入東南海池南面

金象口流出信度河舊曰辛繞池一帀入西南海池

西面瑠璃馬口流出縛葛河舊曰博繞池一帀入西

北海池北面頗胝師子口流出徒多河舊曰私繞池

一帀入東北海或曰潛流地下出積石山即徒多河

之流為中國之河源云

時無輪王應運瞻部洲地有四主焉南象主則暑溼

宜象西寶主乃臨海多寶北馬主寒勁宜馬東人主  
和暢多人故象主之國躁烈篤學特閑異術服則橫  
巾右袒首則中髻四垂族類邑居室宇重閣寶主之  
鄉無禮義重財賄短製左衽斷髮長髭有城郭之居  
務殖貨之利馬主之俗天資獷暴情忍殺戮毳帳穹  
廬鳥居逐牧人主之地風俗機慧仁義昭明冠帶右  
衽車服有序安土重遷務資有類三主之俗東方爲  
上其居室則東闢其戶旦日則東向以拜人主之地  
南面爲尊方俗殊風斯其大槩至於君臣上下之禮  
憲章文軌之儀人主之地無以加也清心釋累之訓

支那  
撰述

大唐西域記卷一

四

日一

出離生死之教象主之國其理優矣斯皆著之經誥  
聞諸土俗博關今古詳考見聞然則佛興西方法流  
東國通譯音譌方言語謬音譌則義失語謬則理乖  
故曰必也正名乎貴無乖謬

夫人有剛柔異性言音不同斯則繫風土之氣亦習  
俗之致也若其山川物產之異風俗性類之差則人  
主之地國史詳焉馬主之俗寶主之鄉史誥備載可  
略言矣至於象主之國前古未詳或言地多暑溼或  
載俗好仁慈頗存方志莫能詳舉豈道有行藏之致  
固世有推移之運乎是知候律以歸化飲澤而來賓



越重險而款玉門貢方奇而拜絳闕者蓋難得而言  
焉由是之故訪道遠遊請益之隙存記風土黑嶺已  
來莫非胡俗雖戎人同貫而族類羣分畫界封疆大  
率土著建城郭務田畜性重財賄俗輕仁義嫁娶無  
禮尊卑無次婦言是用男位居下死則焚骸喪期無  
數勞面截耳斷髮裂裳屠殺羣畜祀祭幽魂吉乃素  
服凶則皂衣同風類俗略舉條貫異政殊制隨地別  
敘印度風俗語在後記出高昌故地自近者始曰阿

耆尼國

舊曰烏耆

阿耆尼國東西六百餘里南北四百餘里國大都城

支那撰述

大唐西域記卷一

五

且一

周六七里四面據山道險易守眾流交帶引水爲田  
土宜糜黍宿麥香棗蒲萄梨柰諸果氣序和暢風俗  
質直文字取則印度微有增損服飾氎毼斷髮無巾  
貨用金錢銀錢小銅錢王其國人也勇而寡略好自  
稱伐國無綱紀法不整肅伽藍十餘所僧徒二千餘  
人習學小乘教說一切有部經教律儀既遵印度諸  
習學者卽其文而翫之戒行律儀潔清勤勵然食雜  
三淨滯於漸教矣從此西南行二百餘里踰一小山  
越二大河西得平川行七百餘里至屈

居勿反支國

龜茲

屈支國東西千餘里南北六百餘里國大都城周十七八里宜糜麥有稷稻出蒲萄石榴多梨柰桃杏土產黃金銅鐵鉛錫氣序和風俗質文字取則印度粗有改變管弦伎樂特善諸國服飾錦毼斷髮巾帽貨用金銀錢小銅錢王屈支種也智謀寡昧迫於強臣其俗生子以木押頭欲其匾匱也伽藍百餘所僧徒五千餘人習學小乘教說一切有部經教律儀取則印度其習讀者卽本文矣尙拘漸教食雜三淨潔清耽翫人以功競國東境城北天祠前有大龍池諸龍易形交合牝馬遂生龍駒慵悞難馭龍駒之子方乃

支那  
撰述

大唐西域記卷一

六

且一

馴駕所以此國多出善馬聞諸先志曰近代有王號曰金花政教明察感龍馭乘王欲終沒鞭觸其耳因卽潛隱以至於今城中無井取汲池水龍變爲人與諸婦會生子驍勇走及奔馬如是漸染人皆龍種恃力作威不恭王命王乃引構突厥殺此城人少長俱戮略無噍類城今荒蕪人煙斷絕荒城北四十餘里接山河隔一河水有二伽藍同名昭怙釐而東西隨稱佛像莊飾殆越人工僧徒清肅誠爲勤勵東昭怙釐佛堂中有玉石面廣二尺餘色帶黃白狀如海蛤其上有佛足履之迹長尺有八寸廣餘八寸每遇有

齋日照燭光明大城西門外路左右各有立佛像高九十餘尺於此像前建五年一大會處每歲秋分數十日間舉國僧徒皆來會集上自君王下至士庶損廢俗務奉持齋戒受經聽法渴日忘疲諸僧伽藍莊嚴佛像瑩以珍寶飾之錦綺載諸輦輿謂之行像動以千數雲集會所常以月十五日晦日國王大臣謀議國事訪及高僧然後宣布會場西北渡河至阿奢

理貳伽藍

唐言奇特

庭宇顯敞佛像工飾僧徒肅穆精勤

匪怠竝是耆艾宿德博學高才遠方俊彥慕義至止國王大臣士庶豪右四事供養久而彌敬聞諸先志

支那撰述

大唐西域記卷一

七

旦一

曰昔此國先王崇敬三寶將欲遊方觀禮聖迹乃命母弟攝知留事其弟受命竊自割勢防未萌也封之金函持以上王王曰斯何謂也對曰回駕之日乃可開發卽付執事隨軍掌護王之還也果有構禍者曰王令監國姪亂中宮王聞震怒欲置嚴刑弟曰不敢逃責願開金函王遂發而視之乃斷勢也曰斯何異物欲何發明對曰王昔遊方命知留事懼有讒禍割勢自明今果有徵願垂照覽王深敬異情愛彌隆出入後庭無所禁礙王弟於後行遇一夫權五百牛欲事刑腐見而惟念引類增懷我今形虧豈非宿業卽

以財寶贖此羣牛以慈善力男形漸具以形具故遂不入宮王怪而問之乃陳其始末王以爲奇特也遂建伽藍式旌美迹傳芳後葉從此西行六百餘里經

小沙磧至跋祿迦國

舊謂始墨又曰亟墨

跋祿迦國東西六百餘里南北三百餘里國大都城周五六里土宜氣序人性風俗文字法則同屈支國語言少異細氎細毼鄰國所重伽藍數十所僧徒千餘人習學小乘教說一切有部國西北行三百餘里度石磧至凌山此則葱嶺北原水多東流矣山谷積雪春夏含凍雖時消泮尋復結冰經途險阻寒風慘

支那撰述

大唐西域記卷一

八

旦一

烈多暴龍難陵犯行人由此路者不得赭衣持瓠大聲叫微有違犯災禍目覩暴風奮發飛沙雨石遇者喪沒難以全生山行四百餘里至大清池

或名熱海又謂鹹海

周千餘里東西長南北狹四面負山眾流交湊色帶青黑味兼鹹苦洪濤浩汗驚波汨湊龍魚雜處靈怪間起所以往來行旅禱以祈福水族雖多莫敢漁捕清池西北行五百餘里至素葉水城城周六七里諸國商胡雜居也土宜糜麥蒲萄林樹稀疏氣序風寒人衣氎毼素葉已西數十孤城城皆立長雖不相稟命然皆役屬突厥自素葉水城至羯霜那國地名罕

利人亦謂焉文字語言卽隨稱矣字源簡略本三十餘言轉而相生其流浸廣粗有書記豎讀其文遞相傳授師資無替服氍毹衣皮氍裳服褊急齊髮露頂或總剪剃繒彩絡頷形容偉大志性恇怯風俗澆訛多行詭詐大抵貪求父子計利財多爲貴良賤無差雖富巨萬服食麤弊力田逐利者雜半矣

素葉城西行四百餘里至千泉千泉者地方二百餘里南面雪山三垂平陸水土沃潤林樹扶疏暮春之月雜花若綺泉池千所故以名焉突厥可汗每來避暑中有羣鹿多飾鈴鑲馴狎於人不甚驚走可汗愛

支那撰述

大唐西域記卷一

九

且一

賞下命羣屬敢加殺害有誅無赦故此羣鹿得終其壽

千泉西行百四五十里至阻邏私城城周八九里諸國商胡雜其居土宜氣序大同素葉南行十餘里有小孤城三百餘戶本中國人也昔爲突厥所掠後遂鳩集同國共保此城於中宅居衣服去就遂同突厥言辭儀範猶存本國從此西南行二百餘里至白水城城周六七里土地所產風氣所宜逾勝阻邏私西南行二百餘里至恭御城城周五六里原隰膏腴樹林蒨鬱從此南行四五十里至斂奴故反赤建國

笈赤建國周千餘里地沃壤備稼穡草木鬱茂花果繁盛多蒲萄亦所貴也城邑百數各別君長進止往來不相稟命雖則畫野區分總稱笈赤建國從此西行二百餘里至赭時國

唐言石國

赭時國周千餘里西臨葉河東西狹南北長土宜氣序同笈赤建國城邑數十各別君長既無總主役屬突厥從此東南千餘里至怛

敷廢反

捍國怛捍國周四

千餘里山周四境土地膏腴稼穡滋盛多花果宜羊馬氣序風寒人性剛勇語異諸國形貌醜弊自數十年無大君長酋豪力競不相賓伏依川據險畫野分

支那撰述

大唐西域記卷一

十

旦一

都從此西行千餘里至窣堵利瑟那國

窣堵利瑟那國周千四五百里東臨葉河葉河出葱嶺北原西北而流浩汗渾濁汨湓漂急土宜風俗同赭時國自有王附突厥從此西北入大沙磧絕無水草途路彌漫疆境難測望大山尋遺骨以知所指以記經途行五百餘里至颯秣建國

唐言康國

颯秣建國周千六七百里東西長南北狹國大都城周二十餘里極險固多居人異方寶貨多聚此國土地沃壤稼穡備植林樹蓊鬱花果滋茂多出善馬機巧之伎特工諸國氣序和暢風俗猛烈凡諸胡國此

爲其中進止威儀近遠取則其王毫勇鄰國承命兵馬強盛多是赭羯赭羯之人其性勇烈視死如歸戰

無前敵從此東南至弭秣賀國

唐言米國

弭秣賀國周四五百里據川中東西狹南北長土宜

風俗同颯秣建國從此北至劫布坦那國

唐言曹國

劫布坦那國周千四五百里東西長南北狹土宜風

俗同颯秣建國從此國西行三百餘里至屈

居勿霜反

去聲你迦國

唐言何國

屈霜你迦國周千四五百里東西狹南北長土宜風

俗同颯秣建國從此國西二百餘里至喝捍國

唐言東安

支那撰述 大唐西域記卷一

十一 旦一

喝捍國周千餘里土宜風俗同颯秣建國從此國西

四百餘里至捕喝國

唐言中安國

捕喝國周千六七百里東西長南北狹土宜風俗同

颯秣建國從此國西四百餘里至伐地國

唐言西安國

伐地國周四百餘里土宜風俗同颯秣建國從此西

南五百餘里至貨利習彌伽國

唐言

貨利習彌伽國順縛芻河兩岸東西二三十里南北

五百餘里土宜風俗同伐地國語言少異從颯秣建

國西南行三百餘里至羯霜

去聲那國唐言史國





又曰數斗波皆譌也及佛尊像多神異有靈鑒東至赤鄂衍那國

赤鄂衍那國東西四百餘里南北五百餘里國大都城周十餘里伽藍五所僧徒尠少東至忽露摩國

忽露摩國東西百餘里南北三百餘里國大都城周十餘里其王奚素突厥也伽藍二所僧徒百餘人東

至愉朔俱反漫國

愉漫國東西四百餘里南北百餘里國大都城周十六七里其王奚素突厥也伽藍二所僧徒寡少西南臨縛芻河至鞠和衍那國東西二百餘里南北三百

支那撰述

大唐西域記卷一

十三

且一

餘里國大都城周十餘里伽藍三所僧徒百餘人東至鑊沙國

鑊沙國東西三百餘里南北五百餘里國大都城周十六七里東至珂咄羅國

珂咄羅國東西千餘里南北千餘里國大都城周二十餘里東接葱嶺至拘謎莫閉反陀國拘謎陀國東西

二千餘里南北二百餘里據大蔥嶺中國大都城周二十餘里西南鄰縛芻河南接尸棄尼國南渡縛芻

河至達摩悉鐵帝國鉢鐸創那國淫薄健國屈浪拏國大利反摩咀羅國鉢利曷國訖栗瑟摩國曷邏胡

國阿利尼國曹健國自活國東南至閻悉多國安咀  
邏縛國事在回記活國西南至縛伽浪國縛伽浪國  
東西五十餘里南北二百餘里國大都城周十餘里  
南至紇露悉泯健國

紇露悉泯健國周千餘里國大都城周十四五里西  
北至忽懍國忽懍國周八百餘里國大都城周五六  
里伽藍十餘所僧徒五百餘人西至縛喝國

縛喝國東西八百餘里南北四百餘里北臨縛芻河  
國大都城周二十餘里人皆謂之小王舍城也其城  
雖固居人甚少土地所產物類尤多水陸諸花難以

支那  
撰述

大唐西域記卷一

十四

且一

備舉伽藍百有餘所僧徒三千餘人普皆習學小乘

法教城外西南有納縛

唐言  
新

僧伽藍此國先王之所

建也大雪山北作論諸師惟此伽藍美業不替其佛

像則營以名珍堂宇乃飾之奇寶故諸國君長利之

以攻劫此伽藍素有毘沙門天像靈鑒可恃冥加守

衛近突厥葉護可汗子肆葉護可汗傾其部落率其

戎旅奄襲伽藍欲圖珍寶去此不遠屯軍野次其夜

夢見毘沙門天曰汝有何力敢壞伽藍因以長戟貫

徹胸背可汗驚寤便苦心痛遂告羣屬所夢咎徵馳

請眾僧方伸懺謝未及返命已從殞歿伽藍內南佛

堂中有佛澡罐量可斗餘雜色炫曜金石難名又有佛牙其長寸餘廣八九分色黃白質光淨又有佛掃帚迦奢草作也長餘二尺圍可七寸其把以雜寶飾之凡此三物每至六齋法俗咸會陳設供養至誠所感或放光明

伽藍北有窣堵波高二百餘尺金剛塗塗眾寶厠飾中有舍利時燭靈光

伽藍西南有一精廬建立已來多歷年所遠方輻湊高才類聚證四果者難以詳舉故諸羅漢將入涅槃示現神通眾所知識乃有建立諸窣堵波基址相鄰

支那

撰述 大唐西域記卷一

十五

且一

數百餘矣雖證聖果終無神變蓋亦千計不樹封記今僧徒百餘人夙夜匪懈凡聖難測大城西北五十餘里至提謂城城北四十餘里有波利城城中各有一窣堵波高餘三丈昔者如來初證佛果趣菩提樹方詣鹿園時二長者遇彼威光隨其行路之資遂獻麩蜜世尊爲說人天之福最初得聞五戒十善也既聞法誨請所供養如來遂授其髮爪焉二長者將還本國請禮敬之儀式如來以僧伽胝舊曰僧伽梨方氎布舊曰僧伽梨又覆鉢豎錫杖舊曰僧伽支下次下鬱多羅僧次僧卻崎舊曰僧伽支如是次第爲窣堵波二人承命各還其城擬儀聖旨

式修崇建斯則釋迦法中最初窣堵波也城西七十餘里有窣堵波高餘二丈昔迦葉波佛時之所建也從大城西南入雪山阿至銳秣陀國

銳秣陀國東西五六十里南北百餘里國大都城周十餘里西南至胡實健國

胡實健國東西五百餘里南北千餘里國大都城周二十餘里多山川出善馬西北至咀刺健國

咀刺健國東西五百餘里南北五六十里國大都城周十餘里西接波刺斯國界從縛喝國南行百餘里至揭職國

支那撰述

大唐西域記卷一

十六

旦一

揭職國東西五百餘里南北三百餘里國大都城周四五里土地磽确陵阜連屬少花果多菽麥氣序寒烈風俗剛猛伽藍十餘所僧徒三百餘人竝學小乘教說一切有部東南入大雪山山谷高深峰巖危險風雪相繼盛夏含凍積雪彌谷蹊徑難涉山神鬼魅暴縱妖崇羣盜橫行殺害爲務行六百餘里出覩貨邏國境至梵衍那國

梵衍那國東西二千餘里南北三百餘里在雪山中也人依山谷逐勢邑居國大都城據崖跨谷長六七里北背高巖有宿麥少花果宜畜牧多羊馬氣序寒

烈風俗剛獷多衣皮毳亦其所宜文字風教貨幣之  
用同覩貨邏國語言少異儀貌大同淳信之心特甚  
鄰國上自三寶下至百神莫不輸誠竭心宗敬商估  
往來者天神現徵祥示崇變求福德伽藍數十所僧  
徒數千人宗學小乘說出世部王城東北山阿有立  
佛石像高百四五十尺金色晃曜寶飾煥爛東有伽  
藍此國先王之所建也伽藍東有鑰石釋迦佛立像  
高百餘尺分身別鑄總合成立城東十二三里伽藍  
中有佛入涅槃臥像長千餘尺其王每此設無遮大  
會上自妻子下至國珍府庫旣傾復以身施羣官僚

支那  
撰述

大唐西域記卷一

十七

旦一

佐就僧酬贖若此者以爲所務矣臥像伽藍東南行  
二百餘里度大雪山東至小川澤泉池澄鏡林樹青  
葱有僧伽藍中有佛齒及劫初時獨覺齒長五寸餘  
廣減四寸復有金輪王齒長三寸廣二寸商諾迦縛  
娑舊曰商那  
和修譌也大阿羅漢所持鐵鉢量可八九升凡三  
賢聖遺物竝以黃金緘封又有商諾迦縛娑九條僧  
伽胝衣絳赤色設諾迦草皮之所績成也商諾迦縛  
娑者阿難弟子也在先身中以設諾迦草衣於解安  
居日持施眾僧承茲福力於五百身中陰生陰恆服  
此衣以最後身從胎俱出身旣漸長衣亦隨廣及阿

難之度出家也其衣變爲法服及受具戒更變爲九條僧伽胝將證寂滅入邊際定發智願力留此袈裟盡釋迦遺法法盡之後方乃變壞今已少損信有徵矣從此東行入雪山踰越黑嶺至迦畢試國

迦畢試國周四千餘里北背雪山三垂黑嶺國大都城周十餘里宜穀麥多果木出善馬鬱金香異方奇貨多聚此國氣序風寒人性暴獷言辭鄙媠婚姻雜亂文字大同覩貨邏國習俗語言風教頗異服用毛氎衣兼皮褐貨用金錢銀錢及小銅錢規矩模樣異於諸國王刹利種也有智略性勇烈威懾鄰境統十

支那  
撰述

大唐西域記卷一

十八

旦一

餘國愛育百姓敬崇三寶歲造丈八尺銀佛像兼設無遮大會周給貧窶惠施鰥寡伽藍百餘所僧徒六千餘人竝多習學大乘法教率堵波僧伽藍崇高弘敞廣博嚴淨天祠數十所異道千餘人或露形或塗灰連絡髑髏以爲冠鬘大城東三四里北山下有大伽藍僧徒三百餘人竝學小乘法教聞諸先志曰昔健馱邏國迦膩色迦王威被鄰國化洽遠方治兵廣地至葱嶺東河西蕃維畏威送質迦膩色迦王旣得質子特加禮命寒暑改館冬居印度諸國夏還迦畢試國春秋止健馱邏國故質子三時住處各建伽藍

今此伽藍卽夏居之所建也故諸屋壁圖畫質子容貌服飾頗同東夏其後得還本國心存故居雖阻山川不替供養故今僧眾每至入安居解安居大興法會爲諸質子祈福樹善相繼不絕以至於今伽藍佛院東門南大神王像右足下坎地藏寶質子之所藏也故其銘曰伽藍朽壞取以修治近有邊王貪婪凶暴聞此伽藍多藏珍寶驅逐僧徒方事發掘神王冠中鸚鵡鳥像乃奮羽驚鳴地爲震動王及軍人辟易僵仆久而得起謝咎以歸

伽藍北嶺上有數石室質子習定之處也其中多藏

支那  
撰述

大唐西域記卷一

十九

旦一

雜寶其側有銘藥叉守衛有欲開發取中寶者此藥叉神變現異形或作師子或作蟒蛇猛獸毒虫殊形震怒以故無人敢得攻發石室西二三里大山嶺上有觀自在菩薩像有人至誠願見者菩薩從其像中出妙色身安慰行者大城東南三十餘里至曷邏怛邏僧伽藍傍有窰堵波高百餘尺或至齋日時燭光明覆鉢勢上石隙間流出黑香油靜夜中時聞音樂之聲聞諸先志曰昔此國大臣曷邏怛邏之所建也功旣成已於夜夢中有人告曰汝所建立窰堵波未有舍利明日有獻上者宜從王請旦入朝進請曰不

量庸昧敢有願求王曰夫何所欲對曰今日有先獻者願垂恩賜王曰然曷邏怙邏佇立宮門瞻望所至俄有一人持舍利瓶大臣問曰欲何獻上曰佛舍利大臣曰吾爲爾守宜先白王曷邏怙邏恐王珍貴舍利追悔前恩疾往伽藍登窳堵波至誠所感其石覆鉢自開安置舍利已而疾出尙拘衣襟王使逐之石已掩矣故其隙間流黑香油

城南四十餘里至霄

蘇立反

蔽多伐刺祠城凡地大震

山崖崩墜周此城界無所動搖

霄蔽多伐刺祠城南三十餘里至阿路猱

奴高反

山崖

支那撰述

大唐西域記卷一

二十

旦一

嶺峭峻巖谷杳冥其峰每歲增高數百尺與漕矩吒

國穠

土句反下同

那呬羅山髣髴相望便卽崩墜聞諸土

俗曰初穠那天神自遠而至欲止此山山神震恐搖

蕩谿谷天神曰不欲相舍故此傾動少垂賓主當盈

財寶吾今往漕矩吒國穠那呬羅山每歲至我受國

王大臣祀獻之時宜相屬望故阿路猱山增高旣已

尋卽崩墜

王城西北二百餘里至大雪山山頂有池請雨祈晴

隨求果願聞諸先志曰昔健馱邏國有阿羅漢常受

此池龍王供養每至中食以神通力竝坐繩牀陵虛



而往侍者沙彌密於繩牀之下攀緣潛隱而阿羅漢  
時至便往至龍宮乃見沙彌龍王因請留食龍王以  
天甘露飯阿羅漢以人間味而饌沙彌阿羅漢飯食  
已訖便爲龍王說諸法要沙彌如常爲師滌器器有  
餘粒駭其香味卽起惡願恨師忿龍願諸福力於今  
悉現斷此龍命我自爲王沙彌發是願時龍王已覺  
頭痛矣羅漢說法誨諭龍王謝咎責躬沙彌懷忿未  
從誨謝旣還伽藍至誠發願福力所致是夜命終爲  
大龍王威猛奮發遂來入池殺龍王居龍宮有其部  
屬總其統命以宿願故興暴風雨摧拔樹木欲壞伽  
藍時迦膩色迦王怪而發問其阿羅漢具以白王王  
卽爲龍於雪山下立僧伽藍建窣堵波高百餘尺龍  
懷宿忿遂發風雨王以引濟爲心龍乘瞋毒作暴僧  
伽藍窣堵波六壞七成迦膩色迦王恥功不成欲填  
龍池毀其居室卽興兵眾至雪山下時彼龍王深懷  
震懼變作老婆羅門叩王象而諫曰大王宿植善本  
多種勝因得爲人王無思不服今日何故與龍交爭  
夫龍者畜也卑下惡類然有大威不可力競乘雲馭  
風蹈虛履水非人力所制豈王心所怒哉王今舉國  
興兵與一龍鬪勝則王無伏遠之威敗則王有非敵

支那  
撰述

大唐西域記卷一

三

旦一

之恥爲王計者宜可歸兵迎膩色迦王未之從也龍  
卽還池聲震雷動暴風拔木沙石如雨雲霧晦冥軍  
馬驚駭王乃歸命三寶請求加護曰宿植多福得爲  
人王威懾強敵統贍部洲今爲龍畜所屈誠乃我之  
薄福也願諸福力於今現前卽於兩肩起大煙焰龍  
退風靜霧卷雲開王令軍眾人擔一石用填龍池龍  
王還作婆羅門重請王曰我是彼池龍王懼威歸命  
惟王悲愍赦其前過王以含育覆燾生靈如何於我  
獨加惡害王若殺我我之與王俱墮惡道王有斷命  
之罪我懷怨讎之心業報皎然善惡明矣王遂與龍

支那  
撰述

大唐西域記卷一

三

且一

明設要契後更有犯必不相赦龍曰我以惡業受身  
爲龍龍性猛惡不能自持瞋心或起當忘所制王今  
更立伽藍不敢摧毀每遣一人候望山嶺黑雲若起  
急擊犍椎我聞其聲惡心當息其王於是更修伽藍  
建窣堵波候望雲氣於今不絕聞諸先志曰窣堵波  
中有如來骨肉舍利可一升餘神變之事難以詳述  
一時中窣堵波內忽有煙起少時間便出猛焰時人  
謂窣堵波已從火燼瞻仰良久火滅煙消乃見舍利  
如白珠璠循環表柱宛轉而上昇高雲際縈旋而下  
王城西北大河南岸舊王伽藍內有釋迦菩薩弱齡

齟齒長餘一寸其伽藍東南有一伽藍亦名舊王有如來頂骨一片面廣寸餘其色黃白髮孔分明又有如來髮髮色青紺螺旋右縈引長尺餘卷可半寸凡此三事每至六齋王及大臣散花供養頂骨伽藍西南有舊王妃伽藍中有金銅窳堵波高百餘尺聞諸士俗曰其窳堵波中有佛舍利升餘每月十五日其夜便放圓光燭曜露盤聯暉達曙其光漸斂入窳堵

波

城西南有比羅娑洛山唐言象堅山神作象形故曰象堅

也昔如來在世象堅神奉請世尊及千二百大阿羅

支那撰述 大唐西域記卷一

三三 旦一

漢山巔有大磐石如來即之受神供養其後無憂王即磐石上起窳堵波高百餘尺今人謂之象堅窳堵波也亦云中有如來舍利可一升餘

象堅窳堵波北山巖下有一龍泉是如來受神飯已及阿羅漢於中漱口嚼楊枝因即植根今為茂林後人於此建立伽藍名鞞鐸佉唐言嚼楊枝也自此東行六百餘里山谷接連峰巖峭峻越黑嶺入北印度境至濫

波國北印度境

大唐西域記卷第一

序第一葉二行闕張燕公名今補 第二葉三行拜字譌未詳 第

四葉十四行末贅句第九葉十四行共字譌第十  
一葉十七行闕唐言第十四葉十二行縛下空

音釋

菟俗書弋芮切輶胡慣切鏃與涉切鏃鏃互訓撫正作拓

也拾糾糾同居黜切躡對臥也昌昌沈切

駁北角切獸如馬紇下沒切毳此芮切

毳正褐匱俗書本切慵俗書音隴又俗慵

悞俗書盧帝切匱匱他兮切慵莫江切戇戇愚也

流貌又為悞悞多惡悞才肖切湊及切

膏立切急也恒去王切眇俗眇咽謂息也

支那撰述大唐西域記卷一 二 三 旦一

确石也崎俗書去奇切崎崎嶇山磽口交切

霄俗書似立切揉本作攷脩徒谷切

穉俗書仕于熹本作熹徒到切璠附袁切

鞞并頂切穉穉穉熹溥覆照也璠美玉